

Gvangjsih Minzcuz Bau

ganhhau: CN45-0036 B.2013 Nd.4 Ng.24 liggaeuq gveiqceih nienz ndwensam cibngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3070期

Denzlinz:

Dwk“Sam Mbaw Baiz”Doihaeuj Vwnzva Minzcuz Gensez

田林:打“三张牌”推进民族文化建设

Bi' gvaq, Denzlinz Yen cungfaen leihyungh gij vwnzva youhsi gag miz haenx, dwk ok “vwnzva daegsaek minzcuz, yisuz Heiquengh, feihvuzciz vwnzva yizcanj” sam mbaw baiz, nyinhcaen doihaeuj hong gensez “aen yienh vwnzva minzcuz”.

It dwg comz rengz dwk “mbaw baiz vwnzva daegsaek minzcuz”, yienh'ok gij meiliz vwnzva minzcuz. Vwnzva minzcuz aen yienh neix lai cungj lai yiengh, Bouxcuengh miz foux vaizcin, foux beizva, foux bet sien hoh gyaau, Bouxgun miz fwen, loxlez, fwen daejhaq, Myauzcuz, Yizcuz miz sibgveng couxbawx baehaq, Yauzcuz miz foux Buenz-

vuengz, foux gyongdoengz daengj, neix gyoebbaenz gij vwnzva Denzlinz miz daegsaek haenx.

Ngeih dwg comz rengz dwk “baiz yisuz Heiquengh”, yienh'ok gij goekdaej vwnzva Bouxcuengh na laeg. 2007 nienz daengz 2009 nienz, Denzlinz Yen gaenq laebdaeb sam bi gawjbanh “Gvangjsih Heiquengh vwnzva yisuzceiz”, 2010 nienz daengz 2012 nienz laebdaeb gawjbanh sam gaiq “Cungguek Heiquengh vwnzva yisuzceiz”, neix dazyinx le haujlai conghyah ndaw guek rog guek nem hekyouz daej camgya, saedyienh le ginghci caeuq vwnzva song fungsou. 2009 nienz, Denzlinz Yen ndaej

Cunghgoz Saujsu Minzcuz Higi Yozvei heuhguh “Cungguek mbanj-ranz Heiquengh”.

Sam dwg comz rengz dwk “baiz feihvuzciz vwnzva yizcanj”, swncienz gak minzcuz gij lizsij vwnzva yizcanj gyaeraez haenx. Denzlinz Yen yawjnaek swncienz nem henhoh vwnzva dangdieg. Gaenh bi daej gaenq guhsat hong caz 118 hangh feihvuzciz vwnzva yizcanj caemhcaiq laebhwnj dangian, laebguh 27 daih hangh yienh gaep “feihyiz” henhoh mingzloeg, miz song hangh ndaej lied haeuj guekgya gaep henhoh mingzloeg.

(Cinz Yicungh)

SIUSIK DINJ

简讯

● Geij ngoenz gonq, Ginhsiu Yauzcuz Swciyen iugouz daengx yienh yangh(cin) cunh gaep cwngvu fuzvu cunghsim venj baiz aeu Cuengh Gun song cungj saw sij. Ciuq cam rox, dangqnaq daengx yienh cunh gaep cwngvu fuzvu cunghsim gaenq venj baiz Cuengh Gun song saw 51 gaiq, ciemq daengx yienh hingzcwngcunh 66%.

(Cau Yilanz)

● Bi' gvaq, Nanzdanh Yen daengx yienh minzcuz mouyi giyez fazcanj daengz 3 aen, daengx bi gij giyez neix gungh ndaej gij cienzngeanz leihsik diep daigvanj haenx 437.38 fanh maenz, doengzbeij demlai 270.58 fanh maenz, demhwnj 162.43% . Neix coicaenh dangdieg ginghci fazcanj, hawj nungzminz demgya ciupez, demlai souhaeuj.

(Yangz Caijyenz)

● 3 nyied ndawcib daengz 4 nyied ndawcib, Gveilinz Si Minzveij cienzmienh genjcaz gij cingzgvang bi' gvaq daengx si gensez gij mbanj miz saujsu minzcuz daegsaek haenx. Doenggyaq genjcaz, raen vwndiz, rox baezlaeng baenzlawz guh, neix vih daengx si ciuq byauhcnj guhsat hong gensez gij mbanj miz saujsu minzcuz daegsaek haenx laebbaenz giekdaj ndei.

(Cangh Gaijiz)

● 3 nyied, Ningmingz Yen gonqlaeng cujcaz vunz roengz Aiden Cin Mbanjluzyuz, Mbanjginzmoh, Mbanjcanngih sam aen mbanj Yauzcuz caeuq Cwngcungh Cin Yaudaz Cunh Mbanjlaigyangh aen mbanj Bouxcuengh neix diuyenz minzcuz gihcuq sezsih gensez, vwnzva minzcuz, sibgveng minzcuz nem funghcingz ndawbiengz daengj, liuxle sij baenz diuyenz baugau, neix hawj cwngfuj guh gietdingh daezhawj baenghgaewq.

(Lij Fungh Nungz Bungz-cwngz)

● Geij ngoenz gonq, Yungzsuij Myauzcuz Swciyen Swyungz Yangh Lueglungznij aen swnghdai lijyouz gunghcwngz gungh roengzngeanz 2180 fanh maenz haenx cingqsik haigoeng lo.

(Fung Sauswh Veiz Lonzcih)

Nanzdanh Yen Bazhih Yauzcuz Yangh Siuj Hag-seng Ndaej Giyezgyah Soengq Hawj Doxgaiq



南丹县八圩瑶族乡
小学生获企业家捐赠

4 nyied 19 hauh lajbyonghgoenz, Nanzdanh Yen Donzveij cujcaz fatdoengh Gvangjsih Boux-coz Giyezgyah Hezvei guh aisin h comz soengq doxgaiq nem cienzngeanz hozdung, soengq daehsaw, vwnzgi daengj doenghyienh hawj Bazhih Yauzcuz Yangh Vangzginh'au Siujyoz 365 boux hagseng gungzhoj. Ciuq cam rox, baez neix gyoengq giyezgyah neix gungh soengq doxgaiq dij fanh lai maenz. Ndaw doz dwg gyoengq giyezgyah cingq fat doenghyienh hawj siuj hagseng.

(Vangz Dingz ingi)

Siengcouh Yen Gunghsangh Bumwnz Haenqrengz Hawj Minzcuz Ginghci Fazcanj

象州县工商部门力促民族经济发展

Lai bi daej, Siengcouh Yen Gunghsanghgiz daj gyauej daengz rieng dawz minzcuz doxgiet dangguh yiengh hong ceiq naekhung haenx, cihciz vunz Bouxcuengh, Gun, Yauzcuz, Myauzcuz daengj guh godij ginghyingz, sawj daengx yienh ginghci fazcanj engq vaiq, daengx yienh minzcuz doxgiet, sevei huzndei onjdingh.

Beijgangj youq ndaw yienh Swcunh Cin, mizdi mehmbwk minzcuz gingzhwnj minzcuz binjbaiz, hai “fwnjden yah Yauzcuz”, daenj ndangdaenj minzcuz, gai rangzroz, rael daengj huqdoj Yauzcuz. Aenvih gyoengqde yienjok minzcuz daegsaek, yinx vunzlai daej cawx, baenz le binjbaiz. Youq aen cin neix 30 lai aen bouq gai gijgwn ndawde, aen “fwnjden

yah Yauzcuz” neix bouxboux cungj rox.

Ciuq gyoepsuenq, daengx yienh 7016 hoh godij ndawde, gij hoh saujsu minzcuz lumj Bouxcuengh, Yauzcuz, Myauzcuz daengj couh ciemq 70% doxhwnj, daengx yienh 521 hoh swhyingz giyez ndawde, Bouxcuengh, Yauzcuz, Myauzcuz daengj saujsu minzcuz hix ciemq daengz 70%.

(Liu Bwnjvei)